

懷遠縣志卷之一



賜進士出身安徽鳳陽府懷遠縣知縣孫讓脩
地域志

懷遠縣在 京師南二千一十里兩江總督治江寧
府北三百六十里安徽布政司治安慶府西北六百
三十里鳳陽府治鳳陽縣西北八十里

至 京師陸行取道宿州而北水行沿淮至淮安
入運河達天津三千六百八十里至江寧陸行取
道鳳陽而東水行沿淮入運河出江一千五百里
至鳳陽陸行取道徐家橋而東九十里水行沿淮

懷遠縣志卷之一

志 地域 一

由蚌埠而東一百十里

東西廣一百二十里南北袤一百六十里東南至西
北斜縱一百七十里東北至西南斜縱一百一十里
周圍五百二十里東至鳳陽縣界蚌埠三十里至縣
治九十里西至蒙城縣界潑邨九十里至縣治一百
四十里南至鳳臺縣界黑河七十里至縣治一百四
十里北至宿州界澥河九十里至州治一百七十里
東南至定遠縣界北爐橋九十里至縣治一百八十
里西南至壽州界黃山集七十里至州治一百五十
里東北至靈璧縣界太平崗二十五里至縣治一百

八十里西北至宿州界趙家集八十里至州治一百七十五里

其地治縣分十都都分十疇而第十都特多二疇凡

一百有二疇 縣前一都 土樓 縣西十里 龍窩

縣西三十里 文昌街 縣北半里 龍王集 縣西北

一都三疇 一都四疇 觀音閣 縣西三里

五都 呂家淺 縣西三十里 何家溜 縣西五十里 馬頭

張家集 縣西三十里 一都八疇 一都九疇 塌河壩 縣

集 縣西北五里 支子湖 縣西十五里 柳春塘 縣西十里

二十里二 沙溝 縣西二十里 尤村 縣西三十里 西新集

固現村 縣西四十里 二都五疇 二都六疇

縣北五十里 官庄 縣西北三十里 蓮花寺 縣西五

二都七疇 李興集 縣西北七十里 丁家樓 縣西北七十

都九 大成寺 縣西八十里 烏雲寺 縣西北九十里

寨頭舖 縣西九十里 劉家集 縣西六十里 李陵

店 縣西北一百二 界溝集 縣西北九十里 貢家集

縣西北七十 龍亢集 縣西北七十五 唐家店 縣西

里三十都八疇 大洪林 縣西北五十 葛家巷 縣西四

都二十疇 古城 縣北四十里 包家集 縣北六十里

都二 石橋 縣北三十里 北興集 縣北七十里 張八營

縣北三十里 火星廟 縣北五十里 高庄 縣北七

四都七疇 四都八疇 四都六疇 四都四疇

懷遠縣志卷之一 地域 二

都五 十二門 縣東二十里 上下洪 縣東二里

槐樹廟 縣東二十五里 鎮江營 縣東二十里 仁和

集 縣東四十里 夾山口 縣東二十里 康家橋 縣東

三十五里 馬頭城 縣東南二十里 草寺 縣東十五里

十都二 馬頭城 縣東南二十里 孝儀 縣東南三十里 禹

帝廟 縣東三十里 考城 縣東五十里 上窰 縣東

十里十都 新城口 縣東南四十里 洛河 縣東南

十都十 方家樓 縣東南七十里 洛河 縣東南

舊志云縣舊有七鄉八十一里曰山西曰東塗曰

西塗曰清洛曰洛河曰在縣曰在樂嗣因凋敝人

懷遠縣志卷之一

志 地域 四

戶減縮併西塗清洛于洛河并東塗于山西改在

縣曰在城樂善共四十七里嗣經兵燹視前疲敝

益甚議者謂里會併矣而再併為難賦已定矣而

減額則否 國朝仍其舊制數十年生齒漸繁荒

地漸墾民生安堵內有圖大賦繁督課難周有一

圖而分上下兩里者有一圖而分上中下三里者

今議裒益于里圖多寡間俾輸納有方國課罔缺

亦通變宜民之善術也

按此則雍正初尚分三鄉四十七里今之一百二

十 乾隆十三年改定附誌舊式俾後來有考焉

其走集之地輳商賈蕃廛里者曰渦河鎮曰洛河鎮曰上窑鎮曰考城鎮曰龍亢城爲最著其餘負販所會逢期趨墟者每五六里內輒有之茆塘蘇家集何溜集何家集馬頭集其大者也

縣境諸山

荆山縣所倚也在治西南濱淮突起旁無附麗或云其脉自平阿山迤邐而來頗斷續不可尋也山之顛啓廟在焉騎嶺而南分一隴東行其麓有三皇廟其右爲大聖寺嶺又南一高隴直東行土人謂之大山膀子俗謂臂爲膀言其如臂之回抱也坡陁而下盡

懷遠縣志卷之一

志
地域

五

于淮爲上洪古名荆山洪其西南分隴復起小山爲斷梅谷一統志謂之斷接谷謂是神禹鑿山處山勢趣淮水水中有洲爲曹家洲相傳以爲防風塚石洲也自山巔騎嶺稍北分二隴一隴西行玉坑在焉土人謂之白雲堆又謂之眠羊石旁有池曰鳳皇池坡陁西北行三里許爲龜山其旁爲駱駝嶺一隴北行迤東爲抱璞巖山之半爲卞和洞文昌閣關帝廟東嶽廟皆在其下前起小土岡爲雲龍岡亦名黃土岡迤西南學宮奠焉卞和洞之左石山犖确永寧宮在其麓西南折縣治奠焉永寧宮之西花將軍墓亦土

山也荆山西北隴斷而復起曰橫山橫山亦謂之笛山龜山亦謂之鼓山俱以形似名

水經注淮出于荆山之左當塗之右

梁書昌義之傳督衆軍作荆山堰

魏書地形志沛郡已吾有荆山

隋書地理志鍾離郡後齊置郡曰荆山

宋蘇軾東坡集上巳日遊塗山荆山記所見自注

曰荆山下有卞氏採玉坑石色如玉不受鑿刻取出山下輒變色不復溫潤

元豐九域志蘄縣有荆山鎮

懷遠縣志卷之一

志地域

六

祝穆方輿勝覽荆山在鍾離縣西八十三里梁魏戰爭時又築堰以灌壽陽 斷梅谷周世宗征淮以荆塗二山乃濠州之朝岡有王者氣命斷之有梅族居此因曰斷梅谷

王應麟玉海濠州安撫使荆山在西濠水合流

宋濂遊荆塗二山記自塗山麓北經縣治折而西行約三里所至荆山梁魏交兵時就山築堰以灌壽春其遺跡猶斑斑可見復行三十步崖厂如屋側身而入石平如床可坐爲卞和洞自西上復一里所過避雨石石斜倚可避風雨故名又六十步

至產玉坂奇石駢立元質而白緣粲如霜雪云其西有玉池榛荆迷路不可尋矣

曹學佺天下名勝志荆山在縣治西南城經其上山西北有玉坑乃卞和採玉之所其石白潔異常本志云山有避雨石石上有三人影傍鑿玉佛二字下有二人臥跡東有卞和洞一名抱璞岩可容十餘人又有圓石周可丈二尺上鑿元帝仙桃等字

明史地理志懷遠縣荆山在縣西南

大清一統志荆山在懷遠縣西南一里水經注淮

懷遠縣志卷之一

志 地域 七

水出荆山之左當塗之右魏書地形志已吾有荆山府志東麓有白龜泉北麓有溢貢泉西北有玉坑其北有玉澗南麓有煤澗一名梅澗

顧祖禹讀史方輿紀要懷遠縣荆山在縣治西南今縣城經其上蕭梁于山下立堰以遏淮流因曰荆山堰魏人亦于此地置戍以重兵守之南北多事荆山常爲襟要處水經注淮水過塗山而後至荆山胡氏曰塗山在鍾離西九十五里荆山在鍾離西八十五里蓋淮流屈曲故道里相懸也按水經注絕無過塗山而後至荆山之文自鍾離至

荆山則必先過塗山胡氏九十五里八十五里之差明是文字之誤不當從而爲之辭也

康熙鳳陽府志荆山在縣西南一里高一百八十五丈周圍一十七里上有啓王廟山頂西北有玉坑卞和得玉處也其中白石晶瑩異常他石色皆青黑山上舊有三仙避雨石前有三人影迹上有玉佛二字後亦有二人跡今裂作三塊山下有仙人臥跡俗名仙人牀東有卞和洞卽抱璞巖中可容數十人石上鑿有青螺石帳四大字內有泣玉論明御史李循義筆上有瀑布下流激石如碎瓊

懷遠縣志卷之一

志
地域

八

山下有圓石上鐫二十字云元帝仙桃石往來人不識畧剖與君知萬載留蹤跡 龜山在縣西卽

荆山北支橫山荆山西支

乾隆江南通志荆山在懷遠縣西南舊志云山西北有玉坑相傳卞和得玉處其中白石晶瑩不受鑿刻東有卞和洞一名抱璞岩可容數十人上有瀑布又有三仙避雨石仙人睡跡北有濯玉澗南麓有梅澗山之餘支爲龜山橫山 斷梅谷在荆塗二山間或曰二山本爲一脉禹以桐栢之流泛濫爲害乃鑿山爲二以通之今兩山間有斷梅谷

濱淮爲勝云或曰周世宗以荆塗有王氣斷之時
谷有梅氏聚族居焉因名

舊縣志荆山在縣治西南二里高一百八十五丈
周一十七里上有啓王廟山頂西北有玉坑爲卞
和採玉處陂陲十數仞白石晶瑩不受鑿刻山下
有三仙避雨石高七尺廣三尺有三人影上有玉
佛二字石今斷爲二下有仙人睡跡俗呼爲仙人
牀東下有卞和洞巨石嶮岈橫嵌疊架中可容數
十人夏月暑氣不到萬歷時構亭洞口題曰抱璞
巖俯瞰萬狀蓋一邑奇觀也玉峽東南有池深一

懷遠縣志卷之一

志
地域 九

丈名曰鳳皇池相傳有鳳集故名明御史楊瞻題
石記之又東下有圓石圍可丈餘上有記云元帝
仙桃石往來人不識畧剖與君知萬載留踪跡又
西南麓有小洞二堪容斗粟其石圓淨可愛宛然
螺殼因以名洞 龜山在縣治西下瞰渦河卽荆
山之支也形類龜故名 防風塚在縣南七里曹
家洲舊志謂禹會諸侯防風氏後至戮之葬于此
此洲水長亦長從不淹沒亦奇

附荆山辨証

宋濂遊荆塗二山記荆山楚山也楚之先王熊繹

僻在荆山七傳至昭王始遷都郢郢卽今江陵其地有荆山一名景山荆故楚號也其地宜在楚濠州古鍾離子國與壽春皆邇楚自昭王之後歷十一傳始徙都壽春韓非子所載卞和獻玉事乃在厲武文三王之際昭王上接武王已越十世當三王時鍾離何嘗屬楚而強謂卞和至此山耶新序又謂抱玉而泣在共王之時襍記又在懷王及其子平王之時平王乃昭王之父距懷王九世共王上至武王亦六世何顛倒如是耶荆山當正諸史傳以江陵爲正

懷遠縣志卷之一

志 地域

十

方以智通雅壽春有荆山以遷郢而名也楚自昭王之後又歷十一傳至考烈王始徙都壽春韓非子所載卞和獻玉事乃在厲武文三王之際昭王上接武王已越十世當三王時鍾離何嘗屬楚而強謂卞和至此山耶新序又謂抱玉而泣在共王之時襍記又謂在懷王及其子平王之時平王乃昭王父下距懷王九世共王上至武王六世差矣按此盡襲宋金華之文而不著其名殊爲勦說也陳霆尙以懷遠荆山爲卞和獲璧處更誤

舊縣志卞和不知何許人後封零陽侯不就或謂

之楚人愚意和抱玉于荆山而三獻之非習見正
知何敢屢進則又疑其爲荆之逸民焉據宋梅聖
俞蘇長公詩則玉寶出于此山而和爲此地人矣
但地理通釋及方輿勝覽皆曰卞和得玉爲南漳
之荆山而所獻之時非當成武文三王之世謂韓
非子之說爲謬此亦別有所見姑存之以俟有識
者

按邑荆山之名始見于水經注及梁書以爲卞氏
採玉處始見于東坡集宋金華闢之是也郢書燕
說詩人之常都邑人士相矜以古雋每不惜借材

懷遠縣志卷之一

志 地域 十一

異地說有可附因而實之固不必爲道方志者典
訓耳

塗山在淮東與荆夾淮並峙爲勝自縣治至山麓五
里雙峰峻聳西峯建禹廟東峯爲無量佛殿山勢西
蹙于淮而連延于東西南麓有小塗山頗坦迤文筆
峯建焉直西陡下山半有佟妃祖墓面荆山迎淮水
左有象嶺右有獅子山象嶺楊應聘墓在焉獅子山
之麓卽下洪也西北麓起小山爲九龍墳一坡直走
淮心長可一里俗名李家嘴其西南麓伏而起爲三山亦
謂之九岡起伏重叠濱于天河其山之引而東者曰

石門山兩山如門山半有狼洞頗隘北下爲石門澗境絕幽曠澗左右有圓石二各逕三丈餘叩之音如鑼鼓曰鑼鼓石濱于淮石門又東爲夾山有徑通南北爲夾山口石門迤北高嶺三里許起一山爲洪君廟山濱于淮一尖山附其南曰次山自石門騎嶺而東一峯特高曰獨山又東起一峯無名又東爲熨斗山頂平而窪大可五畝爲熨斗窩又東曰馬牙山其高竝于獨山北行一隴爲茨山又北下兩小山東曰許家山西曰周家山皆濱于淮馬牙山又東有小山三曰石虎山亦名穀堆山又名徐家山有石虎廟山神

懷遠縣志卷之一 志 地域 三

廟也山勢至此盡矣其南七里別起小山爲秦家山

其東南五里別起小山爲黃山土人云舊名香山因其土黃因謂之黃山

舊志謂之王二山其東三里許越澗宋家溝起小石山孫叔敖

墓在其北後漢郡國志當塗注引皇覽楚大夫子思冢在縣東山鄉西去縣四十里舊志卽以爲孫叔敖墓非也王景傳云廬江郡界有楚相孫叔敖所起芍陂稻田而皇覽以爲子思造芍陂未知孰是後人殆合子思叔敖爲一人矣迤東北一山曰張公山與鳳陽縣

分界詳視地防茲山之脉宗於莫邪自歷山而北逶

迤至神山拔起五峯左右屏擁中出而伏復隱起于

黃山張公山之間穿陂澤間行化陂湖馬場湖時有石脉突起其明証也

奮于石虎張于馬牙乃始盤礴鬱積截淮而止負西

濠憑長淮遠導濶霍近揖明陵所以作鎮南邦雄視五嶽泣神聖而集冠裳者也

尚書益稷篇娶于塗山孔安國傳曰塗山國名孔穎

達正義曰杜預云塗山在壽春縣東北塗山國名蓋近彼山也娶于塗山言其所妻之國耳非就妻家見妻也

史記夏本紀禹曰予辛壬娶塗山癸甲生啓司馬貞索

隱曰杜預云塗山在壽春東北皇甫謐云今九江當塗有禹廟則塗山在江南也

說文解字龠會稽山一曰九江當塗也民以辛壬癸甲之曰嫁娶从屾余聲虞書曰予娶龠山

劉昭續郡國志九江郡平阿故沛有塗山 按平

懷遠縣志卷之二 志 地域 十三

阿在淮北安得越淮而有塗山或劉氏誤以平阿山為塗山也

太康地記塗山古當塗國夏禹所娶也山西南又有禹村蓋禹會諸侯之地帝王紀曰帝會諸侯于

塗山在禹貢揚州之域今九江當塗縣有禹娶之地邑界有當塗故城存焉引見太平御覽

魏書地形志沛郡已吾有當塗山

隋書地理志鍾離郡塗山縣有當塗山

唐六典淮南道名山有塗山

十道志塗山在臨淮郡西引見太平御覽

唐李吉甫元和郡縣志鍾離縣塗山在縣西九十五里

杜佑通典濠州昔禹會諸侯于塗山卽其地今鍾離縣西百里有塗山是也

新唐書地理志鍾離縣有塗山

宋王存元豐九域志鍾離有塗山

祝穆方輿勝覽塗山鍾離縣西九十里紹興亦有塗山未知孰是

樂史太平寰宇記鍾離縣塗山在縣西九十五里太康地志云塗山古當塗國夏禹所娶也山西南

懷遠縣志卷之二

志地域

古

又有禹會村蓋禹會諸侯之地又帝王紀曰禹會諸侯于塗山在禹貢揚州之域今九江當塗縣有禹聚之地

王應麟通鑑地理通釋塗山在壽春縣東北濠州鍾離縣西九十五里禹會諸侯周穆亦會柳宗元有銘

明宋濂遊荆塗二山記棹舟至塗山足曳杖入山山旁廢址舊皆民廬前渡石梁復斗折而上可三里北累石爲塘多藝椒之園行可三里餘視大盤石青綠間錯頽然歆足坐諦視之乾蘚交封之耳

有草生石上高一尺其花可愛不假土力人取懸檐間呼爲石蓮花復行四里所巖石犖确挿起道左危傾欲飛墜復二里所從微徑入灌莽抵崖罅貯泉一泓味甚甘覆以生茨曰聖水亭取水以祭雨多驗復一里餘至山顛禹廟在焉遊目四顧長淮西來渦河北匯而壽春臨濠宿州之境皆在冥茫昏杳中緬想南北戰爭屯戍處爲感慨者久之復從廟西循石坡下鉅石危立如人形遙望之一嫗儼然也相傳爲啟母石廟史云居人每刲羊豕祭之至有以粉黛飾其貌者聞之不覺大笑山椒

懷遠縣志卷之一

志
地域

五

舊有僧房今廢

曹學佺天下名勝志懷遠縣塗山在治東南八里水經云淮水出荆山之左塗山之右二山對峙相爲一脈自神禹以桐栢之水泛濫爲害乃鑿山爲二以通之今兩崖間鏟痕猶故

明史地理志懷遠縣塗山在縣東南

大清一統志塗山在懷遠縣東南八里淮河東岸亦名當塗山左傳昭公四年椒舉言于楚子曰穆有塗山之會又哀公七年子服景伯曰禹會諸侯于塗山執玉帛者萬國杜預注塗山在壽春東北

卽禹會諸侯處魏書地形志沛郡已吾有當塗山
唐六典塗山淮南道名山之一元和志塗山在鍾
離縣西九十五里圖經荆塗二山相爲一脉禹鑿
爲二以通淮流今兩山間有斷接谷濱淮爲勝野
客叢譚塗山有四一會稽二渝州三濠州鍾離縣
四宣州當塗縣皆立禹廟

顧祖禹讀史方輿紀要懷遠縣塗山在縣東南八
里與荆山相對峙水經注云荆塗二山相爲一脉
禹以桐栢之流泛濫爲害乃鑿山爲二以通之
按水經注無此語顧氏援引之誤

懷遠縣志卷之一

志
地域

六

康熙鳳陽府志塗山在縣東南八里高二百一十
三丈週圍四十六里水經云荆山左塗山右二山
對峙相爲一脉自神禹以桐栢之水泛濫爲害鑿
山爲二以通之今兩岸鑿痕猶存左傳禹會諸侯
于塗山卽此今山巔有禹廟廟東數武有朝陽石
上鐫傳心十六字廟西下陡峻處有泉澄瑩四時
不竭遇旱禱雨泉邊輒應故鐫其石曰靈泉山半
有聚仙臺臥仙石山之東有虎兒窩淮西岸有防
風塚西麓有崇伯觀以祀伯鯨者山前有禹會村
史記諸書以爲禹會諸侯在會稽宋濂遊荆塗二

山記云當稽之左氏以壽春爲正 按所引水經
誤同顧氏

乾隆江南通志塗山在懷遠縣南八里與荆山兩
岸對峙而淮流經其中古塗山氏國于此春秋傳
云禹會諸侯于塗山杜預謂在壽春東北者是也
山下有禹墟及禹會村又山半有聚仙臺臥仙石
又有靈泉澄瑩不竭其南麓曰九岡岡形夾澗起
伏有九俗名九岡十八窪適府之通衢

舊縣志塗山在縣東南五里淮河東岸高二百一
十三丈周四十六里圖經云平阿縣東有荆塗二

懷遠縣志卷之一

志

七

山聯爲一脈淮水繞其右禹鑿爲二以通之今兩

岸間鑿痕猶存

按此引圖經不知所本
文與一統志所引小異

山之東爲

虎兒窩俗稱狼洞

張公山在縣南二十里舊時

山下有張氏居故名 王二山在縣東二十里山

下舊有王氏居故名 小塗山在塗山西麓爲儒

學朝岡 九岡山在塗山南麓岡形夾澗伏起有

九俗名九岡十八窪適府之通衢也

附諸家塗山辨証

酈道元水經注淮水篇春秋哀公十年大夫對孟
孫曰禹會諸侯於塗山執玉帛者萬國杜預曰塗